



JP "TRŽNICA" d.o.o. ZENICA

Zenica, Ul. Maršala Tita br. 48
Tel: 032/401-573, 032/460-322
Fax: 032/243-043
ID broj: 4218070440008

1542802011917134 Intesa Sanpaolo Banka d.d.
1340100000013118 ASA Banka d.o.o. Zenica
1418010009310310 BBI Bank International
1990510007577686 Sparkasse DD Sarajevo

-Poslovi direktora-

Broj: 2490 /24

Zenica, 10. 07. 2024. godina

Na osnovu člana 36. Statuta JP "Tržnica" d.o.o. Zenica, te člana 70. stav 3.) i 6.), a u vezi sa članom 72. stav 3. tačka a) i b) Zakona o javnim nabavkama ("Sl. glasnik BiH" broj: 39/14 i 59/22), Uprava preduzeća donosi

ODLUKU

o dodjeli ugovora trećerangiranom ponuđaču

Član 1.

Stavlja se van snage Odluka o dodjeli ugovora drugoragiranom ponuđaču (broj: 2167/24 od 21.06.2024.godine) i Ugovor o nabavci roba "Nabavka prodajnih stolova/tezgi" za potrebe JP „Tržnica” d.o.o. Zenica, dodjeljuje se trećerangiranom ponuđaču „Step” d.o.o. Tuzla, a nakon provedene e-Aukcije sa ponuđenom cijenom u iznosu od 66.400,00 KM bez PDV-a.

Član 2.

Nakon pravosnažnosti ove Odluke prijedlog Ugovora dostavit će se na potpis izabranom Ponuđaču.

Član 3.

Obavezuje se izbrani Ponuđač iz člana 1. ove Odluke da, zakonom i Tenderskoj dokumentaciji propisanom roku (7 dana od dana prijema obavještenja), Ugovornom organu dostavi potrebnu dokumentaciju kojom dokazuje određene i tražene sposobnosti iz Tenderske dokumentacije i korigovanu Ponudu poslije e-Aukcije.

Član 4.

Odluka stupa na snagu danom donošenja i ista će se dostaviti svim ponuđačima koji su učestvovali u postupku javne nabavke.

Član 5.

Ova odluka objaviti će se na web stranici Ugovornog organa www.trznicazenica.ba.

Obrazloženje

Postupak javne nabavke roba " Nabavka prodajnih stolova/tezgi" za potrebe JP „Tržnica” d.o.o. Zenica pokrenut je Odlukom o pokretanju postupka (broj: 181/24 od 16.01.2024.godine) putem otvorenog postupka, koji je objavljen na portalu Agencije za javne nabavke pod brojem: 13067-1-1-47-3-2/24 od 22.01.2024.godine.

Procjenjena vrijednost nabavke roba je 70.000,00 KM bez PDV-a, a kriterij za dodjelu ugovora je najniža cijena. Predviđena je i e-Aukcija.

U ostavljenom roku za dostavu ponuda pristiglo je 6 (šest) ponuda ponuđača i to: "En-Mont" d.o.o. Mostar, "Glovis" d.o.o. Zenica, "Step" d.o.o. Tuzla, "Inžinjering" d.o.o. Trn-Laktaši, "MK Alu Plast" d.o.o. Zavidovići i "Inter-com" d.o.o. Zenica.

Komisija preduzeća imenovana Odlukom (broj: 184/24 od 16.01.2024.godine), je dana 16.02.2024.godine izvršila javno otvaranje ponuda o čemu je sačinila Zapisnik o otvaranju ponuda i isti

prosljedila svim ponuđačima., sačinila Zapisnik o ocjeni i vrednovanju Ponuda, te predložila donošenje Odluke o izboru najpovoljnijeg Ponuđača.

Nakon uložene Žalbe na Odluku o izboru najpovoljnijeg ponuđača (broj: 1000/24) od strane Ponuđača „Step“ d.o.o. Tuzla, Ugovorno organ je istu sa svom potrebnom dokumentacijom prosljedio Uredu za razmatranje žalbi.

Ugovornom organu je dostavljeno Rješenje Ureda za razmatranje žalbi -Filijala Mostar (broj: JN2-03-07-1-944-12/24 od 10.05.2024.godine), kojim je poništena Odluka o izboru najpovoljnijeg ponuđača (broj: 1000/24) i predmet vraćen Ugovornom organu na ponovni postupak, sa uputama URŽ-a Ugovornom organu.

Dana 24.05.2024.godine, na zatvorenoj sjednici, Komisija preduzeća je shodno navedenom Rješenju URŽ-a i sugestijama iz istog ponovno izvršila pregled i ocjenu ponuda tj. provjeru formalne ispravnosti sadržaja Ponuda.

Shodno sugestijama iz Rješenja URŽ-a, Komisija preduzeća je od Ponuđača „Procesna oprema Inžinjeri“ d.o.o. Laktaši i „MK Alu plast“ d.o.o. Zavidovići zatražila dodatna pojašnjenja Ponuda, a kako slijedi:

1. Ponuđač „Procesna oprema Inžinjeri“ d.o.o. Laktaši kao dokaz profesionalne i tehničke sposobnosti je uz Obrazac spiska izvršenih Ugovora dostavio i Potvrdu Gradonačelnika Grada Banja Luka, kojom se potvrđuje da je ovaj Ponuđač zajedno sa drugim Ponuđačima (grupa ponuđača), uspješno i kvalitetno realizovao Ugovor o nabavci postavljanja mobilnih štandova u okviru projekta „Urbane tržnice“ u vrijednosti od 271.327,30 KM bez PDV-a.

Komisija preduzeća je a shodno Rješenju URŽ-a, putem mail-a zatražila od ovog Ponuđača dodatnu dokumentaciju iz koje se sa sigurnošću može utvrditi koliko je učešća ovog ponuđača u realizovanom Ugovoru iskazano u novčanom iznosu.

2. Ponuđač „MK Alu plast“ d.o.o. Zavidovići kao dokaz profesionalne i tehničke sposobnosti je uz Obrazac spiska izvršenih Ugovora, dostavio Potvrde „Almy transport“ d.o.o. Zenica od 07.08.2023.godine i 03.11.2023.godine.

Navedenim potvrdama se potvrđuje da je ovaj Ponuđač uspješno i profesionalno izvršio sve preuzete ugovorne obaveze za izdavaoca Potvrde, a u predmetu realizacije Ugovora izvođenja građevinskih radova „poslovno-sportski centar Bjelašnica objekat sportska dvorana, Općina Trnovo“, u vrijednosti od 246.862,15 KM bez PDV-a i realizacije Ugovora izvođenja građevinskih radova „Poslovno-sportski centar Bjelašnica objekti relax i administrativna zgrada Općina Trnovo“, u vrijednosti od 164.706,60 KM bez PDV-a.

Komisija preduzeća je, shodno Rješenju URŽ-a, a u cilju ravnopravnog tretmana svih Ponuđača, od ovog Ponuđača zatražila dodatno pojašnjenje i dokumentaciju iz koje se sa sigurnošću može utvrditi da je u navedenim Ugovorima izvršena nabavka i isporuka roba istog ili sličnog karaktera i kompleksnosti kao što je predmet nabavke ovog postupka

Po dobijanju dodatnog pojašnjenja Komisija je dana, 29.05.2024.godine nastavila sa daljnjim aktivnostima na pregledu i ocjeni pristiglih Ponuda. Komisija preduzeća je konstatovala slijedeće i to da je :

1. Ponuđač „Procesna oprema Inžinjeri“ d.o.o. Lataši dostavio Ugovor o nabavci i postavljanju mobilnih štandova u okviru projekta „Urbane tržnice zaključen između Grada Banja Luka i „ABC Solutions“ d.o.o. Banja Luka (broj: 2-024/23 od 26.04.2023.godine), Fakturu (broj: 269/23) upućenu „ABS Solutions“ d.o.o. Banja Luka u iznosu od 250.067,30 KM (bez PDV-a) i Potvrdu „ABC Solution“ d.o.o. Banja Luka (broj: 269-12/23 od 15.12.2023.godine).

Uvidom u navedenu dokumentaciju utvrđeno je, da je navedeni Ponuđač bio član grupe ponuđača u realizaciji navedenog Ugovora (broj: broj: 2-024/23 od 26.04.2023.godine) zajedno sa drugim članovima grupe („ABC Solution“ d.o.o. Banja Luka, „Enikom gradnja“ d.o.o. Zvornik, „Timini“ d.o.o.

Tuzla, "Procesna oprema Inžinjeri" d.o.o. Laktaši), a čija je ukupna vrijednost predmeta nabavke je 317.452,94 KM (sa uračunatim PDV-om).

Iz Potvrde "ABC Solution" d.o.o. Banja Luka je utvrđeno da je imenovani Ponuđač u okviru ovog Ugovora realizovao isti u novčanom iznosu od 250.067,30 KM (bez PDV-a), a što je dokumentovano i navedenom Fakturom, a što predstavlja srazmjernu vrijednost procjenjene vrijednosti predmeta nabavke, te je time dokazao svoju profesionalnu i tehničku sposobnost.

2. Ponuđač "MK Alu plast" d.o.o. Zavidovići nije postupio po traženju Ugovornog organa niti je dostavio tražene dokaze, niti bilo koju drugu dokumentaciju, kojom bi se mogla dokazati njegova profesionalna i tehnička sposobnost, te je Ponuda ovog Ponuđača, shodno odredbi člana 2. stav 1. tačka 1) alineja 3) ocjenjena kao nepravilna, jer nije u skladu sa traženim uslovima iz Tenderske dokumentacije, te ista neće biti rangirana za učešće u postupku e-Aukcije, shodno navedenim odredbama, kao i odredbi člana 68. stav 4) tačka i.) - Ponuda nije potpuna i neispunjava zahtjeve iz Tenderske dokumentacije.

Ponude ostalih Ponuđača su pravilne i uredne, te je izvršeno rangiranje Ponuda Ponuđača obzirom na vrijednost njihovih dostavljenih ponuda.

Zakazana e-Aukcija održana je dana, 03.06.2024.godine sa početkom u 10.³⁰ sati, a po okončanju iste u 12.³⁰ sata, od strane Agencije za javne nabavke dostavljen je Izvještaj o toku i završetku e-Aukcije, kao i konačna rang lista Ponuđača koji su učestvovali sa konačnim cijenama.

Ugovorni organ je donio Odluku o izboru najpovoljnijeg Ponuđača (broj: 1898/24 od 04.06.2024.godine), te istu dostavio kako odabranom, tako i svim drugim ponuđačima koji su učestvovali u postupku javne nabavke, a koji Ponuđači su i zaprimili istu.

Članom 2. Odluke (broj: 1898/24 od 04.06.2024.godine), a u skladu sa zakonskim i odredbama propisanih u Tenderskoj dokumentaciji, prvorangirani Ponuđač („Glovis" d.o.o. Zenica) bio je u obavezi da u ostavljenom roku dostavi tražene dokaze o ispunjavanju uslova iz Tenderske dokumentacije.

Kako izabrani Ponuđač u ostavljenom roku (7 dana od dana prijema obavještenja) nije dostavio potrebnu dokumentaciju, niti se obratio Ugovornom organu, to je Ugovorni organ po pravosnažnosti Odluke, donio Odluku o dodjeli ugovora drugornagiranom ponuđaču (broj: 2167/24 od 21.06.2024.godine)

„Procesna oprema Inžinjeri" d.o.o. Trn-Laktaši. Odluka je dostavljena kako odabranom, tako i svim drugim ponuđačima koji su učestvovali u postupku javne nabavke, a koji Ponuđači su i zaprimili istu. Članom 2. Odluke (broj: 2167/24 od 21.06.2024.godine), a u skladu sa zakonskim i odredbama propisanih u Tenderskoj dokumentaciji, drugorangirani Ponuđač („Procesna oprema Inžinjeri" d.o.o. Trn-Laktaši) bio je u obavezi da u ostavljenom roku dostavi tražene dokaze o ispunjavanju uslova iz Tenderske dokumentacije.

Kako ni ovaj izabrani Ponuđač u ostavljenom roku (7 dana od dana prijema obavještenja) nije dostavio potrebnu dokumentaciju, niti se obratio Ugovornom organu, to je Ugovorni organ po pravosnažnosti Odluke, donio Odluku kao u dispozitivu.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se Uredu za razmatranje žalbi putem ugovornog organa u roku od 10 (deset) dana od dana prijema Odluke, na način propisan Zakonom o javnim nabavkama BiH.

Dostavljeno:

4 x Ponuđači

1x Komisija za javne nabavke

1x a/a

JP "Tržnica" d.o.o. Zenica
 Direktorica: Selma Vidimlić